



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU **LIBERALNE STRANKE BOSNE I HERCEGOVINE**

Broj: 03-07-6-333/19
Sarajevo, 15. septembar 2020. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Liberalne stranke Bosne i Hercegovine za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2018. godinu, utvrđeno je da je Liberalna stranka Bosne i Hercegovine prekršila odredbe člana 4. stav (1), člana 8. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Liberalne stranke Bosne i Hercegovine za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Liberalna stranka Bosne i Hercegovine finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	139.891,42	100,00
8.	Prihodi od propagande (3-g)	0,00	0,00
I	Ukupni prihodi (1-8)	139.891,42	100,00
II	Ostali prihodi i drugo	0,00	0,00
	Izvori finansiranja (I+II)	139.891,42	100,00

U godišnjem finansijskom izvještaju stranka je iskazala rashode u ukupnom iznosu od 156.607,16 KM.

2. PREDSTAVLJANJE POLITIČKE STRANKE

Naziv političke stranke je Liberalna stranka Bosne i Hercegovine. Skraćeni naziv stranke je LS BiH.

Liberalna stranka Bosne i Hercegovine registrovana je kod Općinskog suda u Goraždu, rješenjem broj: 045-0.F1-13-000 002 od 23.12.2013. godine.

Sjedište političke stranke je u Goraždu, ulica Seada Sofovića Sofe bb.

Lica ovlaštena za zastupanje stranke su Daliborka Milović, predsjednica stranke i Slobodan Janković, podpredsjednik stranke.

Lice ovlašteno za podnošenje finansijskih izvještaja za 2018. godinu je Dino Vektor d.o.o..

Prema podacima iz godišnjeg finansijskog izvještaja za 2018. godinu, organizacionu strukturu Liberalne stranke Bosne i Hercegovine čine:

- Glavni odbor LS BiH,
- Kantonalni odbor Goražde i
- 17 opštinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Liberalne stranke Bosne i Hercegovine za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Liberalne stranke Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i reviziju finansijskih izvještaja Liberalne stranke Bosne i Hercegovine u periodu od 2014. do 2017. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršene revizije godišnjeg finansijskog izvještaja Liberalne stranke Bosne i Hercegovine za 2017. godinu, izdat je izvještaj o pregledu sa mišljenjem revizora, nalazima i preporukama stranci: da finansijska sredstva obezbijedena za finansiranje stranke koristi u skladu sa utvrđenim programom utroška sredstava, da poslovne knjige vodi u skladu sa računovodstvenim propisima, odnosno da uspostavi tačne evidencije o prihodima i rashodima stranke, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, da poštuje i druge propise, prevashodno porezne, iz kojih proističu dodatne obaveze i troškovi koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji Bosne i Hercegovine, i da, imajući u vidu strukturu troškova stranke i činjenicu da se stranka finansira isključivo iz budžeta, racionalnije troši finansijska sredstva.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Liberalna stranka Bosne i Hercegovine nije ispoštovala sve preporuke.

5. NALAZI I PREPORUKE

5.1 NALAZI

a) Liberalna stranka Bosne i Hercegovine prekršila je odredbe člana 4. stav (1) Zakona o finansiranju političkih stranaka.

U godišnjem finansijskom izvještaju stranka je iskazala ukupne troškove u iznosu od 156.607,16 KM. Stranka je dostavila Program utroška sredstava za 2018. godinu u kojem je predvidjela ukupne troškove u iznosu od 125.000,00 KM.

Analizom Programa utroška sredstava utvrđeno je da isti nije sačinjen na način kojim bi se obezbijedila potpuna transparentnost planiranog trošenja sredstava, kao i njegoja uporedba sa ostvarenim troškovima.

Pregledom finansijskog izvještaja i finansijske dokumentacije stranke utvrđeno je da je politička stranka sredstva u iznosu od 75.154,95 KM utrošila mimo svog finansijskog plana rashoda, odnosno programa utroška sredstava za 2018. godinu, kako slijedi:

- Planom utroška sredstva stranka je planirala *Troškove goriva i maziva* u iznosu od 15.000,00 KM, dok je za tu namjenu utrošila sredstva u iznosu od 16.792,69 KM, što je za 1.792,69 KM više od planiranog iznosa.
- U planu utroška sredstava stranka nije uopšte predvidjela sljedeće troškove: bruto plate zaposlenih, troškove ugostiteljskih usluga, troškove usluga, troškove platnog prometa, knjigovodstvene usluge, troškove ugovora o djelu, kamate, zakup vozila, takse i novčane kazne i naknade za topli obrok, prevoz i regres.
Stranka je u 2018. godini navedene troškove ostvarila u ukupnom iznosu od 65.379,55 KM, i to: bruto plate zaposlenih u iznosu od 12.717,17 KM, troškove knjigovodstvenih usluga u iznosu od 982,80 KM, troškove ugostiteljskih usluga u iznosu od 5.141,75 KM, ugovore o djelu u iznosu od 3.733,57 KM, troškove usluga u iznosu od 20.800,26 KM, troškove platnog prometa u iznosu od 1.279,00 KM, kamate u iznosu od 2.245,00 KM, troškove zakupa vozila u iznosu od 1.600,00 KM, takse i novčane kazne u iznosu od 14.000,00 KM i naknade za topli obrok, prevoz i regres u iznosu od 2.880,00 KM.
- Stranka u svom Programu utroška sredstava nije planirala sredstva za *Materijal-Unigradnja*, a iste je u 2018. godini ostvarila u iznosu od 7.982,71 KM.
Uvidom u račune utvrđeno je da je stranka od pravnog lica „Unigradnja“ d.o.o. Goražde u tri navrata¹ izvršila nabavku više vrsta građevinskog materijala: građevinski materijal za fasade i krečenje, materijal za vodovodne instalacije i sanitariju, a stranka pri tome nema nekretnine u svom vlasništvu i koristi u zakup poslovni prostor čiji je vlasnik Grad Goražde.

S obzirom da stranka sredstva nije utrošila u skladu sa planom troškova za 2018. godinu, prekršila je odredbe člana 4. stav (1) Zakona o finansiranju političkih stranaka.

b) Stranka je prekršila odredbe člana 8. stav (1) Zakona o finansiranju političkih stranaka.²

Liberalna stranka Bosne i Hercegovine je primila novčana sredstva od Federalnog zavoda za zapošljavanje Sarajevo u iznosu od 2.640,00 KM, čime je prekršila odredbe člana 8. stav (1) tačka b) Zakona o finansiranju političkih stranaka.

Stranka je u toku 2018. godine primila novčana sredstva od Federalnog zavoda za zapošljavanje Sarajevo po osnovu Ugovora o sufinansiranju zapošljavanja – Periodično/sezonsko zapošljavanje 2018. godine u ukupnom iznosu od 2.640,00 KM.

Suprotno odredbama Zakona o finansiranju političkih stranaka, stranka je primila finansijska sredstva od javne institucije, odnosno finansirala se iz izvora koji je zabranjen Zakonom.

c) Politička stranka prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Liberalna stranka Bosne i Hercegovine nije tačno i pravilno evidentirala prihode i rashode i nije pravilno popunila obrasce godišnjeg finansijskog izvještaja,

¹ Unigradnja d.o.o. Goražde računi broj: rn-0141/18 u iznosu od 1.274,52 KM, rn-0059/18 u iznosu od 4.054,54 KM i rn-0094/18 u iznosu od 2.653,65 KM.

² Privatna preduzeća koja su sa organima izvršne vlasti na svim nivoima u BiH sklopila ugovor o javnoj nabavci usluga, ugovor o javnoj nabavci robe ili ugovor o javnoj nabavci radova u skladu sa propisima o javnim nabavkama u BiH ne mogu finansijski pomagati političke partije ako vrijednost ugovora u jednoj kalendarskoj godini prelazi iznos od 10.000,00 KM.

čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka i odredbe Pravilnika o godišnjim finansijskim izvještajima političkih stranaka u daljnjem tekstu: Pravilnik.

- (1) U obrascu 3-f finansijskog izvještaja (Prihodi iz budžeta) stranka je iskazala prihod iz budžeta sa nivoa entiteta Federacije BiH u većem iznosu za 12.640,00 KM, čime je prekršila odredbe člana 19. Pravilnika.

Stranka je u finansijskom izvještaju iskazala prihod iz budžeta entiteta Federacije BiH u iznosu od 128.972,10 KM. Uvidom u izvode utvrđeno je da je stranka kao prihod iz budžeta entiteta Federacije BiH iskazala povrat svojih sredstava, odnosno povrat takse koju je uplatila u prethodnoj godini za ovjeru za učešće na Općim izborima 2018. godine u iznosu od 10.000,00 KM i uplatu Federalnog zavoda za zapošljavanje Sarajevo po osnovu Ugovora o sufinansiranju zapošljavanja u iznosu od 2.640,00 KM.

Kako se kod uplate novčanih sredstva u iznosu od 10.000,00 KM radi o povratu uplaćene takse za ovjeru političke stranke na Općim izborima 2018. godine, a ne prihodima iz budžeta, stranka je u poslovnim knjigama i godišnjem finansijskom izvještaju prihode iz budžeta, odnosno ukupne prihode iskazala u većem iznosu za 10.000,00 KM od ostvarenih, čime je prekršila i odredbe člana 13. Pravilnika.

Takođe, stranka je uplatu Federalnog zavoda za zapošljavanje Sarajevo po osnovu Ugovora o sufinansiranju zapošljavanja u iznosu od 2.640,00 KM imala obavezu iskazati u obrascu 3-b (Prilozi pravnih lica) finansijskog izvještaja.

- (2) Uvidom u blagajničku dokumentaciju (dnevnik blagajne, uplatnice i isplatnice) utvrđeno je da na isplatnicama nedostaju potpis lica koje je primilo novčana sredstva i potpis lica koje je vršilo kontrolu, dok na uplatnicama nedostaju potpisi lica koje je predalo novac u blagajnu kao i lica koje je vršilo kontrolu.
- (3) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune i tačne evidencije o rashodima stranke, te ih nije pravilno iskazala u godišnjem finansijskom izvještaju, čime je prekršila odredbe člana 21. i 22. Pravilnika.

- Uvidom u analitičku karticu obaveze prema dobavljaču „Dino market“ utvrđeno je da su ukupne obaveze prema ovom dobavljaču, na osnovu evidentiranih računa u 2018. godini iznosile 1.812,42 KM, a da je stranka izvršila plaćanja ovom dobavljaču u ukupnom iznosu od 3.139,78 KM. Takođe, utvrđeno je da je pretplatu na kraju godine u iznosu od 1.327,36 KM stranka direktno prenijela na troškove, bez računa, što ukazuje da stranka nema pravovremene i pravilne evidencije o troškovima, odnosno nema uvid u stanje svojih troškova i obaveza.

Na isti način stranka je utvrđenu pretplatu na kraju 2018. godine prema dobavljaču „Lelo“ d.o.o. Goražde u iznosu od 267,50 KM prenijela, odnosno teretila troškove stranke.

- U poslovnim knjigama stranke utvrđeno je da je stranka u 2018. godini u svojim poslovnim knjigama iskazala potraživanja po osnovu datih avansa dobavljaču „Drad“ Goražde u iznosu od 158,44 KM.

S obzirom na to da stranka u svojim poslovnim knjigama iskazuje avanse, evidentno je da stranka ne iskazuje sve svoje troškove, odnosno nema tačne evidencije o svojim troškovima.

- Stranka je za OO Goražde-Vikovići iskazala troškove zakupa u manjem iznosu za 9.000,00 KM.

Uvidom u Ugovor o zakupu sa Imamović Samirom utvrđeno je da je stranka zaključila ovaj ugovor u periodu od 01.01.-31.12.2018. godine³, a troškove nastale po tom osnovu u poslovnim knjigama je evidentirala samo za period 01.01.-30.06.2018. godine.

³ Stranka je u reviziji 20.03.2019. godine dala izjavu da je prostor prestala koristiti sa 2018. godinom.

- (4) Stranka je u obrascu 5 finansijskog izvještaja (Obaveze političke partije) iskazala obaveze prema dobavljačima u jednom iznosu od 3.058,07 KM, čime je prekršila odredbe člana 24. Pravilnika.

Uvidom u poslovne knjige, utvrđeno je da stranka ima neizmirene obaveze prema sljedećim dobavljačima: „BH Telekom“ u iznosu od 106,55 KM, „Faceard“ d.o.o. Goražde u iznosu od 168,90 KM, Grad Goražde u iznosu od 0,70 KM i TZS „Oil“ Goražde u iznosu od 2.781,92 KM.

U skladu sa članom 24. Pravilnika stranka je imala obavezu da u obrascu 5.2 finansijskog izvještaja navede sljedeće podatke: naziv dobavljača, datum nastanka obaveze i iznos obaveze prema svakom dobavljaču pojedinačno.

d) Liberalna stranka Bosne i Hercegovine nije otvorila namjenski račun za finansiranje kampanje tokom Općih izbora 2018. godine.

Liberalna stranka Bosne i Hercegovine nije otvorila namjenski račun za finansiranje kampanje, već je taksu za ovjeru prijave za učešće na Općim izborima 2018. godine uplatila putem glavnog računa stranke.

Stranka je u Prijavi za ovjeru političke stranke za učešće na Općim izborima 2018. godine u dijelu koji je predviđen za podatke o broju namjenskog računa za finansiranje kampanje navela podatke o glavnom računu stranke.

Članom 4.4 Izbornog zakona Bosne i Hercegovine propisano je da prijava za ovjeru sadrži broj računa za finansiranje izborne kampanje.

Pravilnikom o prijavi i uslovima za ovjeru političkih subjekata za učešće na Općim izborima 2018. godine („Službeni glasnik BiH“, broj 29/18), Centralna izborna komisija Bosne i Hercegovine propisala je formu i sadržaj prijave za ovjeru političkih subjekata, te obavezu političkim strankama da taksu za ovjeru prijave za učešće na Općim izborima 2018. godine uplate sa svog transakcijskog računa koji će se namjenski koristiti za izbornu kampanju tokom Općih izbora 2018. godine.

e) Bez kvalifikovanja revizijskog mišljenja, skrećemo pažnju na cijene usluga koje su pružene političkoj stranci.

Na osnovu dokumentacije političke stranke, a uzimajući u obzir tržišne cijene usluga, evidentna je činjenica da je Liberalna stranka BiH izvršila nabavku usluga, odnosno uzela pod zakup poslovni prostor u mjestu Vikovići-Goražde, po cijeni koja je neprimjereno visoka u odnosu na tržišne ili fer cijene zakupa za navedenu regiju.

Stranka je 15.01.2016. godine sa Imamović Samirom zaključila Ugovor o zakupu poslovnog prostora površine 29,55 m² uz mjesečnu zakupninu od 1.500,00 KM, te po istom ovom fizičkom licu u toku 2018. godine isplatila sredstva u iznosu od 9.000,00 KM.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Liberalna stranka Bosne i Hercegovine je u svrhu izborne kampanje mogla da potroši 788.975,90 KM.

⁴ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

Liberalna stranka Bosne i Hercegovine je u godišnjem finansijskom izvještaju za 2018. godinu iskazala troškove propagande u iznosu od 24.626,25 KM.

5.2 PREPORUKE

Preporučuje se Liberalnoj stranci Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi u skladu sa utvrđenim programom utroška sredstava,*
- *da se ne finansira iz izvora koji su Zakonom zabranjeni,*
- *da poslovne knjige vodi u skladu sa računovodstvenim propisima, odnosno da uspostavi tačne evidencije o prihodima i rashodima stranke,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka,*
- *da otvori poseban računa za finansiranje kampanje i*
- *da, imajući u vidu strukturu troškova stranke i činjenicu da se finansira isključivo iz budžeta, racionalnije troši finansijska sredstva.*

KOMENTAR

Liberalna stranka Bosne i Hercegovine se u ostavljenom roku očitovala na Preliminarni izvještaj o pregledu godišnjeg finansijskog izvještaja za 2018. godinu. Uz očitovanje stranka je dostavila i dodatne dokaze.

Služba za reviziju je uvažila argumentovane primjedbe i dokaze, te korigovala nalaze navedene u Preliminarnom izvještaju.

Šef Odsjeka za revizijske poslove

Sanja Tošović

Revizor

Veliborka Kenjić

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić